

ren y cu 15 aña pa promer vez ela logra bira campeon di Aruba. Su promer wega internacional ela hunga contra Colombianonan tempo cu e tabatin 17 aña na 1959. E tempo ei corantnan a skirbi di Mario Croes cu e tabata e sorpresa di mas grandi di e torneo, organisá door di e asociacion "Entre nous juvenils" na Corsow. Ela logra bati e subcampeon di caribe y centroamerica e colombiano Dario Valencia. Uniko hende cu a logra gana Mario den e torneo ei tabata Ildo Bakhuis di Corsow.

NUNKA

Amistad: Ki tempo bo a bira campeon di Antiyas?

Mario Croes: Nunka mi no tabata campeon di Antillas oficial. Mi

tabata gana e weganan interinsular si, pero nunca mi a conquista e titulo di campeon antillano. Tempo cu mi por a gane nan a stop di organisele.

Amistad: Bo a yega di hunga hopi vez den exterior. Ta cual tabata e paisnan cu b'a bishita?

Mario Croes: Mi a yega di bai hunga na Corsow, Boneiru, Colombia, Venezuela, Barbados, Trinidad, Jamaica, Guyana, Nigeria, Alemania, Atlanta (USA) y Praga (Tsechoslowakije).

Na edad di 21 aña m'a bai pa promer vez un campeonato mundial na Praga. E tabata un experiencia masha grandi p'ami pa mi mira hungadornan di caliber asina halto hunga. Pa bo bai un campeonato mundial bo so, no vale la pena. Bo mes-

ter bai cu un equipo. Sino ora bo hunga bo so, nan ta sakabo afor mesora despues di algun wega.

OBSERVADOR

E tempo cu m'a bai Praga mi a bai representa Aruba y en realidad tabata e periodista Donny Lacle kende e tempo ei den e semanal Observador a start un campanja pa mi bai. Door di dje mi a haya un empuhe pa bai. Ela hinka ATTA, e organisacion pa ping pong den un spot. Asina mes m'a pasa un verguenza ora cu mi mes hunto cu e presidente di ATTA e tempo ei Pedro Figaroa, mester a pasa cerca comerciantenan pa haya plaka pa mi bai. ASU a paga 1200 florin y e restu e comerciantenan a paga.

Praga tabata sinembargo un experiencia valioso y inolvidable p'ami caminda mi a mira 568 participante di 52 pais participa. E tempo ei e Japonés y Chinesnan tabata domina ping pong por completo y nan tabata gana tur cos.

MAS ANIMO

Amistad: Fei ki tempo tin un organisacion di ping pong aki na Aruba?

Mario Croes: Fei tempo m'a lanta tabatin organisacion di ping pong. Promer nan aya, segun mi, tabatin hopi mas animo pa e deporte aki. Hopi mas hende grandi tabata hunga, pero actualmente ta hobennan só ta hunga. Tur hende grandi a laga ping pong, pasobra segun mi ATTA ta dedica demasiado na hende hoben so. Ta bon pa dedica atencion na e hobennan pero nan ta negligisha e hungadornan bon mas grandi, esta e hoofdklasse.

SMAAK

Algu cu a cabar cu ping pong aki na Aruba ta cu antes tur ora bai Corsow tabata bin hunga aki y nos tabata bai Corsow y asina tabatin competencia. Fei tempo cu nan a stop cu esaki, mi ta haya cu ping pong su smaak a caba hopi.

ATTA mester mira kiko pa haci pa haya e hungadornan grandi back. Un bon hungador manera Elgin Nicolaas a stop di hunga y bo ta kere cu ningun hende no a bai puntre ta pakiko? Ami ta e uniko cu a keda



**ODUBER
& KAN**

NASSAUSTRAT 42-44

**OPTICA
ZEISS
UMBRAMATIC**

**Christian Dior
Ray-Ban**

**CAMARAS:
KONICA - YASHICA
LEITZ etc.**

**Antilliaanse
Handel Mij. N.V.**



bo miho adres pa:
Tur material di construcion
Verf SHERWIN WILLIAMS
Verf ARVEFA
Sanitarios ELJER
Cement CORO

i tambe awor:
Refrigerador HOTPOINT
Lavadora HOTPOINT
Airconditioner HOTPOINT
Stoof COLUMBUS
Airconditioner AIRTEMP

Pa miho producto, miho prijs, miho servicio

ANTILLIAANSE HANDEL MAATSCHAPPIJ N.V.

FERGUSONSTRAAT 7 - DAKOTA - TEL. 4040
HELFRICHSTRAAT 29 - SAN NICOLAS - TEL. 5018